

Zbirka medijskih objava

VladaBrckoDistrikta_kliping_dnevno,
za razdoblje 29. 6. 2022

Broj objava: 20

Internet: 16

Televizija: 1

Štampa: 3

Teme praćenja:

Vlada Brčko Distrikta: 9

Gradonačelnik: 0

Skupština Brčko: 1

Brčko: 12

Vlada Brčko Distrikta:

Internet	Naslov	Brčko: Počeo upis učenika u srednje škole		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Brčko: Kadrić i Domić uputili telegram saučešća povodom smrti fra Mirka Jožića		
Serijski br. 2	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Brčko: Odjeljenje za javnu bezbjednost pomaže u potrazi za nestalom osobom iz Lopara		
Serijski br. 3	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Brčko: Projekcija filma u sklopu "Dana italijanskog filma u BiH"		
Serijski br. 4	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Realizacija projekta "Radujte se s nama"		
Serijski br. 5	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Brčko: U petak projekcija italijanskog filma "Ariaferma"		
Serijski br. 6	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Brčko: Objavljeni rezultati Javnog poziva za finansiranje i sufinansiranje programa i projekata od javnog interesa		
Serijski br. 7	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Odjeljenje za javnu sigurnost pruža pomoć u potrazi za nestalom osobom u Općini Lopare		
Serijski br. 8	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Vlada Brčko Distrikta		

Internet	Naslov	Odjeljenje za javnu sigurnost pruža pomoć u potrazi za nestalom osobom u Općini Lopare		
Serijski br. 9	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 29. 6. 2022		
	Autor	Unknown		
	Teme	Vlada Brčko Distrikta , Brčko		

Skupština Brčko Distrikta:

Televizija	Naslov	Moguće usvajanje nacrtu zakona o civilnim žrtvama rata		
Serijski br. 1	Medij; Doseg	Radio Televizija Federacije Bosne i Hercegovine; , Bosna i Hercegovina	17:00	Trajanje: 3 min
	Rubrika, Datum	Federacija danas; 28. 6. 2022		
	Autor	Adis Mujdanović		
	Teme	Skupština Brčko Distrikta , Brčko		

Brčko:

Internet	Naslov	Utorak, 28 Juni 2022		
Serijski br. 1	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Brčko		

Internet	Naslov	Obavještenje za građane Brčko distrikta Bosne i Hercegovine		
Serijski br. 2	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Brčko		

Internet	Naslov	Nesvakidašnji događaj u Maoči: Djeca se igrala na groblju pa oštetili spomenike		
Serijski br. 3	Medij; Doseg	Klix.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	A. K.		
	Teme	Brčko		

Internet	Naslov	Ambasada Italije predstavlja "Dane italijanskog filma" u BiH		
Serijski br. 4	Medij; Doseg	Klix.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	N. C.		
	Teme	Brčko		

Internet	Naslov	Nakon pisanja Otiska, Policija Brčko distrikta reagovala na uništavanje spomenika u Gornjoj Maoči		
Serijski br. 5	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Brčko		

Internet	Naslov	Folklorni Ansambl SPKD "Prosvjeta" Brčko: Gdje smo griješili prethodnih 20 godina?		
Serijski br. 6	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Brčko		

Televizija	Naslov	Moguće usvajanje nacrtu zakona o civilnim žrtvama rata		
Serijski br. 7	Medij; Doseg	Radio Televizija Federacije Bosne i Hercegovine; , Bosna i Hercegovina	17:00	Trajanje: 3 min
	Rubrika, Datum	Federacija danas; 28. 6. 2022		
	Autor	Adis Mujdanović		
	Teme	Skupština Brčko Distrikta , Brčko		

Internet	Naslov	Obavještenje za građane Brčko distrikta koji imaju entitetsko državljanstvo Federacije BiH		
Serijski br. 8	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 28. 6. 2022		
	Autor	Unknown		
	Teme	Brčko		

Štampa	Naslov	Umjesto autobusa i putnika, na peronima parking za vozila		
Serijski br. 9	Medij; Doseg	Dnevni avaz; 50.000, Bosna i Hercegovina	Stranica: 16	Površina: 340 cm ²
	Rubrika, Datum	Panorama; 29. 6. 2022		
	Autor	S.Smajlović		
	Teme	Brčko		

Internet	Naslov	Odjeljenje za javnu sigurnost pruža pomoć u potrazi za nestalom osobom u Općini Lopare		
Serijski br. 10	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 29. 6. 2022		
	Autor	Unknown		
	Teme	Vlada Brčko Distrikta , Brčko		

Štampa	Naslov	EKSKLUZIVNO HRVATSTVO		
Serijski br. 11	Medij; Doseg	Dnevni list; , Bosna i Hercegovina	Stranica: 8	Površina: 785 cm ²
	Rubrika, Datum	Događaji; 29. 6. 2022		
	Autor	J. S.		
	Teme	Brčko		

Štampa	Naslov	ДЕЦА ПОРУШИЛА СПОМЕНИКЕ?		
Serijski br. 12	Medij; Doseg	Večernje novosti - Republika Srpska; , Bosna i Hercegovina	Stranica: 26	Površina: 28 cm ²
	Rubrika, Datum	Republika Srpska; 29. 6. 2022		
	Autor	S. M.		
	Teme	Brčko		



Utorak, 28 Juni 2022



Visoke cijene goriva na benzinskim pumpama širom svijeta, pa i BiH, najvjerovatnije će pasti tek onda kada one postanu previsoke za industriju, koja je njen najveći potrošač.

Kaže ovo ekspert za tržište nafte i urednik portala "Moj volan" Vladimir Grujić, analizirajući trenutno stanje na svjetskom tržištu energenata, ali i iznoseći svoja predviđanja trendova u periodu pred nama.

Osvrćući se na uzroke koji su uticali na ovo povećanje cijena navodi kako je prvi faktor - globalna politika koja je vođena posljednjih 20 godina, koja je zbog sve većeg zagađenja Zemljine atmosfere okretala ekonomije ka obnovljivim i ekološki podobnijim izvorima energije, što je dovelo do sve manjih ulaganja u rafinerijske kapacitete, a smanjena su i ulaganja u istraživanje i vađenje nafte.

- Najmlađa rafinerija u SAD instalirana je daleke 1977. Od tada, pa do danas, novih postrojenja nije bilo i po svemu sudeći neće ih ni biti. Na nama bliskim prostorima zatvorene su rafinerije Lendava u Sloveniji, rafinerija Novi Sad je pretvorena u fabriku maziva, a rafinerija nafte Sisak u logistički centar, odnosno skladište, kao i rafinerija nafte Brod te još mnoge rafinerije u Italiji i drugim evropskim zemljama - istakao je Grujić.

Smatra kako značajan faktor predstavlja i pandemija virusa korona, jer su u trenutku proglašenja pandemije naftna postrojenja radila punim kapacitetom te je nastala situacija u kojoj je globalno redukovan avionski, drumski i djelimično brodski transport, što je dovelo do toga da ukupna ekonomska aktivnost naglo padne.

- Ovo je dovelo do tržišnog "cunamija", kojim su oborene cijene, jer je u tom trenutku tržište bilo puno nafte, za koju nije bilo potražnje. Iako su zemlje izvoznice nafte navikle da zbog sukoba i tržišnih blokada uvijek postoji rizik od nestabilnosti tržišta, ovakav scenario, kada se obustavljaju aktivnosti odmah i svuda, nije imao adekvatan odgovor i cijene su se drastično snizile. Kako je vrijeme odmicalo, zbog pada potražnje, pojedine rafinerije su prestale sa radom, postrojenja su pretvorena u skladišne terminale, a radnici su ili otpušteni ili prebačeni na druge poslove - pojasnio je Grujić.

Prema njegovom mišljenju treći, i vjerovatno najbitniji faktor je sukob u Ukrajini. Iako su cijene već početkom ove godine krenule uzlaznom putanjom, zbog oporavka ekonomija, sukob u Ukrajini je, kako je rekao, doveo do novog udara na tržište, jer su SAD i zemlje EU uvele embargo na uvoz ruske nafte.

- To je dovelo do novog skoka potražnje, koji druge zemlje izvoznice ne mogu tako brzo da kompenzuju. Kada sagledamo sve navedene faktore, jasno je da se naftno tržište neće tako brzo oporaviti. Sa jedne strane imamo povećanu potražnju za naftnim derivatima i uvođenje sankcija Rusiji, a sa druge zapuštene bušotine i rafinerijska postrojenja, manjak radne snage i time smanjen obim proizvodnje. Takođe, kako rafinerije u Hrvatskoj i Srbiji za preradu koriste većinom rusku naftu, pod pritiskom EU će vjerovatno morati da pređu na drugog dobavljača, što će neminovno dovesti do toga da cijene ostanu na visokom nivou i u narednom periodu, sigurno do kraja ove godine - smatra Grujić.

Prema riječima Vladimira Grujića, imajući u vidu sve pobrojane faktore, jasno je da će naftnom tržištu trebati neko vrijeme da se stabilizuje, a domaće vlasti mogu da pomognu da se ovaj period lakše podnese tako što će suspendovati obračun akciza na gorivo do vraćanja cijena u ranije okvire. Jedan od načina su i jače inspeksijske kontrole distributera, da bi bile spriječene nerealno visoke marže.

Izvor: InfoBijeljina

Obavještenje za građane **Brčko** distrikta Bosne i Hercegovine



Kancelarija Koordinatora Vlade Federacije Bosne i Hercegovine za **Brčko** distrikta Bosne i Hercegovine uputila je obavještenje za građane **Brčko** distrikta Bosne i Hercegovine koje prenosimo u cjelosti:

Obavještavamo sve građane **Brčko** distrikta Bosne i Hercegovine, koji imaju entitetsko državljanstvo Federacije Bosne i Hercegovine, da na osnovu odluke Vlade Federacije Bosne i Hercegovine imaju pravo aplicirati za turističke vaučere.

Vlada Federacije BiH donijela odluku da podijeli dva miliona KM vaučera u vrijednosti po 200 KM po vaučeru, koji se mogu iskoristiti za turističke destinacije u BiH. Preko e-platforme vaučeri će biti podijeljeni putem javnog poziva. Očekuje se da će građani od kraja jula 2022 moći koristiti ove vaučere sve do 31. decembra 2022. E-platforme će nuditi plaćanje karticom, preko banke, na račun i na rate.

„Vaučeri će se dijeliti po sistemu ko se prvi javi i podjela će trajati dok se ne iskoriste dva miliona KM na raspolaganju“. Nadamo se da ćemo na ovaj način motivirati građane da posjete sve ljepote Bosne i Hercegovine.

Napominjemo da su vaučeri digitalni, te će korisnik nakon odabira turističkog paketa, platiti razliku u cijenu za taj turistički paket.

„Sve e-platforme će izvještavati koliko je turističkih vaučera preostalo. Supružnici i njihova punoljetna djeca imaju pravo na po jedan vaučer, ali ih neće moći koristiti za isti turistički paket, jer nema logike da ga u istom periodu koriste dvije različite osobe“.


Postoji mogućnost spajanja odnosno da supruge dobije vaučer za paket od tri dana, koji košta minimalno 250 KM, a suprug za vaučer koji može koristiti za sljedeća tri dana u istom hotelu.

Više detalja na stranicama:

<https://bihvlada.gov.ba/hr/ministrica-dapo-vauceri-od-200-maraka-gradanima-za-odmor>

<https://youtu.be/2y3sZGPqyol>







Djeca se igrala na groblju pa oštetili spomenike

Nesvakidašnja situacija zabilježena je na širem području **Brčko** distrikta, tačnije u Maoči, kada su djeca prilikom igre na Pravoslavnom groblju oštetili šest nadgrobnih spomenika.

Naime, Policija **Brčko** distrikta BiH je 23. juna 2022. godine putem telefona obaviještena da su na groblju u Maoči oštećeni i porušeni nadgrobni spomenici.

"Odmah nakon zaprimanja prijave, na mjesto događaja su izašli policijski službenici koji su utvrdili da je na Pravoslavnom groblju u Gornjim Fatovima - Maoča, opština **Brčko** oštećeno šest nadgrobnih spomenika", kazali su iz policije.

Kako su dodali, tokom vršenja uviđaja, policijskim službenicima se obratio I.K., rođen 1981. godine, nastanjen u Gornjoj Maoči, opština Srebrenik koji je izjavio da su nadgrobne spomenike oštetila tokom igre djeca iz Gornje Maoče te da će on preduzeti neophodne radnje na izmirenju štete, odnosno vraćanje spomenika u prvobitno stanje.

U skladu sa svojim ovlaštenjima, Policija **Brčko** distrikta će nastaviti sa preduzimanjem neophodnih mjera kako bi pričinjene šteta bila sanirana.



Ambasciata d'Italia
Sarajevo



Ambasada Italije predstavlja "Dane italijanskog filma" u BiH

Ambasada Italije u Sarajevu predstavila je godišnji susret s italijanskim filmom u Bosni i Hercegovini, bogatog i raznolikog programa projekcija, koje će biti upriličene u glavnim gradovima zemlje.

"Dani italijanskog filma predstavljaju jedan od naših događaja kulturne promocije, za bosanskohercegovačku javnost, tradicionalno najomiljenijih – izjavio je ambasador Italije, Marco Di Ruzza – izdanje za 2022., ove manifestacije, bilježi i dodatnu ekspanziju našeg projekta, jer smo proširili skup uključenih gradova, s Distriktom **Brčko** i gradom Zenicom, koji će se pridružiti Sarajevu, Mostaru, Banja Luci i Tuzli. Riječ je, stoga, o velikom ulaganju u korist bosanskohercegovačke publike s ciljem još snažnijeg konsolidiranja kulturnih odnosa između Italije i Bosne i Hercegovine, zemlje, oduvijek protagoniste, balkanske i međunarodne kinematografije, zahvaljujući također slavnom Sarajevu Film festivalu. Našom revijom – nastavio je ambasador – želimo simbolično izgraditi most ka tradicionalnoj, filmskoj ljetnoj sezoni Sarajeva, periodu izvanredno intenzivnom i dinamičnom za prijestolnicu, u koju pristižu reditelji i aktori iz cijele regije i iz mnogobrojnih zemalja. Italija se tako potvrđuje prvorazrednim kinematografskim partnerom za Bosnu i Hercegovinu, njen film, njenu publiku", dodaju.

Izdanje za 2022. "Dana italijanskog filma u BiH", donosi jednu uravnoteženu selekciju komedija, drama i dokumentarnog filma, filmova dugog i kratkog metra. Publika će moći nanovo vidjeti prepoznatljiva lica savremenog italijanskog filma, od Toni-ja Servillo-a do Paola-e Cortellesi, pogledati djela autora u usponu, poput djela rimskog umjetničkog dvojca "YouNuts" (Niccolò Celaia i Antonio Usbergo) ili već afirmiranih autora, poput Riccardo-a Milani-ja ili Leonardo-a di Costanzo-a. Nadalje, u okviru projekta Bijenala u Veneciji, posvećenog promociji najperspektivnijih talenata italijanskog filma, jedna cijela večer, bit će posvećena mlađoj milanskoj rediteljici, Chiara-i Campara-i, koja će za sarajevsku publiku, osobno predstaviti svoj film "Pouke ljubavi".

Program je ove godine obogaćen i s nekoliko eksperimenata, koji će dodatno stimulirati zainteresiranost bosanskohercegovačkih gledalaca, a naročito, sarajevska projekcija u augmentiranoj, proširenoj stvarnosti, kratkometražnog filma "Nikola Tesla – Čovjek iz budućnosti", rimskog reditelja Alessandro-a Parrello-a. Ne izostaje, po prvi put, saradnja s Ambasadom Švicarske, na promociji italo-fonog filma ne italijanskih autora, kao u slučaju reditelja iz Kantona Tičino, Erik-a Bernasconi-ja, čiji će film "Sinestezija" predstaviti u Sarajevu, zajedno, dvije Ambasade, tokom jedne specijalne večeri, pretpremijemo, 24. juna.

Povodom tridesete godišnjice tragičnih događaja koji su obilježili početak rata u Bosni i Hercegovini i opsadu njene prijestolnice, Sarajeva, u završnici revije, predviđena su dva dana specifično posvećena sjećanju i historijskom osvrtu, uz projekciju dokumentarnih filmova "Hotel Sarajevo" Barbara-e Cupisti i "Unsafe Goražde" Enrico-a Dagnino-a.

"Dani italijanskog filma", na ovaj način, potvrđuju svoju eklektičnost kako bi zadovoljili sve ukuse domaće publike, omogućavajući istovremeno da, u bosankohercegovačke gradove, budu donesene različite duše italijanskog savremenog filma, utvrđujući još više postojeće, već snažne kulturne veze između Italije i Bosne i Hercegovine.

otisak.ba



Nakon pisanja Otiska, Policija **Brčko distrikta reagovala na uništavanje spomenika u Gornjoj Maoči**

Policija **Brčko** distrikta BiH je dana 23.06.2022. godine putem telefona obaviještena da su na groblju u Maoči oštećeni i porušeni nadgrobni spomenici.

Odmah nakon zaprimanja prijave, na lice mjesta su izašli policijski službenici koji su utvrdili da je na Pravoslavnom groblju u Gornjim Fatovima-Maoča, opština **Brčko** oštećeno šest nadgrobnih spomenika.

Tokom vršenja uviđaja na licu mjesta, policijskim službenicima se obratilo lice I.K., rođen 1981. godine, nastanjen u Gornjoj Maoči, opština Srebrenik koji je izjavio da su nadgrobne spomenike oštetila tokom igre djeca iz Gornje Maoče, opština Srebrenik, te da će on preduzeti neophodne radnje na izmirenju štete, odnosno vraćanje spomenika u prvobitno stanje.

U skladu sa svojim ovlaštenjima, Policija **Brčko** distrikta BiH će nastaviti sa preduzimanjem neophodnih mjera kako bi pričinjene šteta bila sanirana.

<https://mail.ebrcko.net/vijesti/vijesti-brcko/8230...>

1 / 1

Brčko: Počeo upis učenika u srednje škole



Šef Pododjeljenja za srednje obrazovanje **Vlade Brčko distrikta** Slavoljub Bašić rekao je da je od danas počeo upis učenika u srednje škole za 2022/2023. godinu.

Brčko: Kadrić i Domić uputili telegram saučesća povodom smrti fra Mirka Jožića



Povodom smrti uglednog brčanskog i bosanskohercegovačkog franjevca, fra Mirka Jožića, u ime **Vlade Brčko distrikta BiH** upućujemo izraze najdubljeg saučesća njegovim srodstvenicima i župljanima, svim franjevcima u Bosni i Hercegovini.

Vijest o iznenadnoj smrti fra Mirka Jožića, teologa, filozofa i donedavnog predsjednika Hrvatskog kulturnog društva „Napredak“ u **Brčkom**, pogodila je sve ljude koji su poznavali ovog velikog čovjeka.

Imali smo priliku da se sa ovim uglednim svećenikom i filozofom družimo i sarađujemo. Njegova širina i blagost kojom je zračio ostat će zauvijek u našem sjećanju.

Ovaj ugledni svećenik i kulturni i javni radnik među nama Brčacima također će biti upamćen kao čovjek koji se zalagao za njegovanje kulture dijaloga, međusobnog razumijevanja drugog i drugačijeg. Vrlo često je naglašavao da takav napor vrijedi učiniti jer to vodi ka unapređenju i razvoju društva, kulturnom oplođivanju, a ne njegovoj dekadenciji.

Ovaj poznati franjevac rođen je 1947.godine u Donjem Vukšiću kod **Brčkog**. Osnovnu školu završio je u Ulicama i Bukviku, a gimnaziju u Visokom. Uz svećenički poziv uporedo je studirao i bavio se naukom. Teološki fakultet završio je u Ljubljani, Filozofski fakultet u Sarajevu, a doktorirao je filozofiju 1986. u Minhenu.

Brčko: Odjeljenje za javnu bezbjednost pomaže u potrazi za nestalom osobom iz Lopara



Odjeljenje za javnu bezbjednost **Vlade Brčko distrikta** Bosne i Hercegovine će u srijedu, 29. 6.2022. godine u 8.00 sati, na zahtjev opštine Lopare, organizovati pomoć u potrazi za starijom nestalom osobom na teritoriji ove opštine.

Brčko: Projekcija filma u sklopu "Dana italijanskog filma u BiH"



Obavještavamo vas da će u petak, 1. 7. 2022. godine s početkom u 20.00 sati u Domu kulture u **Brčkom** biti projekcija filma „Ariaferma“, koji će biti prikazan u sklopu „Dana italijanskog filma u Bosni i Hercegovini“, a koju organizuje Ambasada Italije u **BiH** zajedno s Uredom koordinatora **Brčko** distrikta **BiH** u Vijeću ministara **BiH** i uz podršku Vlade **Brčko** distrikta **BiH**.

Folklorni Ansambl SPKD "Prosvjeta" **Brčko**: Gdje smo griješili prethodnih 20 godina?



O Vidovdanu ljeta Gospodnjeg 1999. godine održana je 1. Smotra folklor "Vidovdan '99" **Brčko**. Tradicija je nastavljena, i u kontinuitetu je trajala punih 20 godina kada je 2019. godine održana 20. Smotra folklor "Vidovdan 2019" **Brčko**.

Kao centralni događaj Prosvjetine manifestacije "Vidovdanske dani kulture", Smotra folklor u **Brčkom** je za 20 godina svog postojanja okupila preko 5.000 učesnika (folkloriša izvođača, instrumentalista, vokalnih solista ili vokalnih grupa i horova), gdje je publika uživala u najmanje 200 koreografija kojima su se učesnici predstavili Brčacima.

Vremenom je Smotra postala regionalni kulturni događaj u onom dijelu kulturnog stvaralaštva koji se bavi njegovanjem tradicije i običaja, umjetnosti i kulture kroz igru i pjesmu srpskog naroda. Važno je istaći da je na posljednjoj Smotri koja je održana 29. juna 2019. godine nastupilo 11 gostujućih Društava sa preko 250 izvođača, a naš ansambl sa 5 grupa i preko 120 izvođača.

Pauza uslovljena koronavirusom trajala je dvije godine.

Država: Bosna i Hercegovina

Doseg:


Indeks

Trajanje: 03:00

(pogledaj)

1 / 1

Moguće usvajanje nacrtu zakona o civilnim žrtvama rata



Obavještenje za građane **Brčko** distrikta koji imaju entitetsko državljanstvo Federacije BiH



Obavještavamo sve građane **Brčko** distrikta Bosne i Hercegovine, koji imaju entitetsko državljanstvo

Federacije Bosne i Hercegovine, da na osnovu odluke Vlade Federacije Bosne i Hercegovine imaju pravo aplicirati za turističke vaučere. Vlada Federacije **BiH** donijela odluku da podijeli dva miliona **KM** vaučera u vrijednosti po 200 **KM** po vaučeru, koji se mogu iskoristiti za turističke destinacije u **BiH**.

Preko e-platforme vaučeri će biti podijeljeni putem javnog poziva. Očekuje se da će građani od kraja jula 2022 moći koristiti ove vaučere sve do 31. decembra 2022. E-platforme će nuditi plaćanje karticom, preko banke, na račun i na rate.

„Vaučeri će se dijeliti po sistemu ko se prvi javi i podjela će trajati dok se ne iskoriste dva miliona **KM** na raspolaganju“. Nadamo se da ćemo na ovaj način motivirati građane da posjete sve ljepote Bosne i

Hercegovine

Napominjemo da su vaučeri digitalni, te će korisnik nakon odabira turističkog paketa, platiti razliku u cijenu za taj turistički paket.

„Sve e-platforme će izvještavati koliko je turističkih vaučera preostalo. Supružnici i njihova punoljetna djeca imaju pravo na po jedan vaučer, ali ih neće moći koristiti za isti turistički paket, jer nema logike da ga u istom periodu koriste dvije različite osobe“.

Postoji mogućnost spajanja odnosno da suprug dobije vaučer za paket od tri dana, koji košta minimalno

250 **KM**, a suprug za vaučer koji može koristiti za sljedeća tri dana u istom hotelu.

Više detalja na stranicama:

<https://fbihvlada.gov.ba/hr/ministrice-dapo-vauceri-od-200-maraka-gradanima-za-odmor>

Realizacija projekta “Radujte se s nama”



U sklopu projekta „Radujte se s nama“, kojega je podržala **Vlada Brčko distrikta BiH**, mlada ekipa župe Presvetog Srca Isusova je u nedjelju 26. lipnja gostovala u Župi Čajdraš kod Zenice. Mlade snage Župnog zbora Presvetog Srca Isusova animirale su liturgijsko slavlje nakon kojeg su imali kratak koncert i predstavljanje župe i grada **Brčkog**.

U opuštenoj atmosferi, uz domaćina vlč. Josipa Šimunovića, prezentirane su prirodne i kulturne znamenitosti Distrikta te način djelovanja i života u njemu.

“Mladi našega zbora su se upoznali s mladima župe Čajdraš i rodila se ideja da mladi iz Čajdraša na jesen posjete našu župu u **Brčkom**. Nadamo se da će se iz ovoga susreta roditi nova lijepa prijateljstva. Ovim nastupom/putovanjem zaključujemo naš projekt „Radujte se s nama“ i zahvaljujemo se **Vladi Brčko Distrikta** što je prepoznala potencijal našega projekta i pružila nam podršku. Kroz realizaciju ovoga projekta, mladi su aktivno vježbali, dolazili redovno na probe, imali nastupe kako u **Brčkom**, tako i u drugim dijelovima Bosne te jedan nastup u Hrvatskoj. Mladima kroz ovaj projekt ponudili alternativu „online druženjima“. Nadamo se, da smo kroz ovaj naš projekt, predstavili našu župu, grad i Distrikt u najljepšem svjetlu”, istakla je Sanja Matijević, predsjednica Župnog zbora Presvetog Srca Isusova.

Brčko: U petak projekcija italijanskog filma “Ariaferma”



Obavještavamo vas da će u petak, 01.07.2022. godine s početkom u 20.00 sati u Domu kulture u **Brčkom** biti projekcija filma „Ariaferma“, koji će biti prikazan u sklopu „Dana italijanskog filma u Bosni i Hercegovini“, a koju organizira Ambasada Italije u **BiH** zajedno sa Uredom koordinatora **Brčko** distrikta **BiH** u Savjetu ministara **BiH** i uz podršku Vlade **Brčko** distrikta **BiH**.

Pozivamo sve zainteresovane građane da dođu na projekciju filma. Ulaz je besplatan.

„Ariaferma“, odnosno „**U kavezu**“ je dramski film italijanskog režisera Leonarda di Costanzo, čiju glumačku postavu čine poznata italijanska imena: Toni Servillo, Silvio Orlando, Fabrizio Ferracane, Salvatore Striano, Roberto De Francesco. Film je osvojio 4 „David di Donatello“ nagrade koju dodjeljuje prestižna Akademija italijanske kinematografije.

Radnja filma smještena je u starom, oronulom zatvoru koji uskoro treba biti zatvoren. Međutim, 12 zatvorenika i nekoliko službenika zatvorske policije moraju ostati duže od ostalih jer ustanova, koja bi trebala preuzeti zatvorenike, još uvijek nije potpuno spremna. Zbog toga se ukazuje potreba za novom organizacijom u zatvoru, budući da je njegov veći dio zatvoren. Mladić i djevojka, zatiču se u zatvorenom prostoru, on, u ulozi tamničara (koju je odredila Camorra), ona, u ulozi zatvorenice. Dvoje ljudi, isprva stranaca, zbližavaju se i upoznaju.

Brčko: Objavljeni rezultati Javnog poziva za finansiranje i sufinansiranje programa i projekata od javnog interesa



Nakon što je **Vlada Brčko distrikta** na svojoj posljednjoj sjednici odobrila Program utroška sredstava po objavljenom Javnom pozivu za finansiranje projekata i programa od javnog interesa, Odjeljenje za stručne i administrativne poslove je objavilo konačnu listu korisnika na kojoj se nalazi 37 subjekata kojima su odobrena sredstva u rasponu od dvije do maksimalno 15 hiljada **KM**.

Na ovaj Javni poziv koji je raspisan prije tačno četiri mjeseca i za kojeg je bilo predviđeno 200 hiljada **KM** prijavilo se ukupno 85 Udruženja građana i Nevladinih organizacija no nakon što je izvršena provjera prispjele dokumentacije planiranih projekata, komisija je odabrala njih 37 koji zadovoljavaju sve uslove predviđene ovim pozivom.

„Cilj ovog Javnog poziva je finansiranje i sufinansiranje programa odnosno projekata od javnog interesa u oblasti socijalne zaštite, zaštite lica s invaliditetom, društvene brige o djeci i mladima, zaštite i promovisanja ljudskih prava, volonterstva, suzbijanja diskriminacije, nasilja u porodici i maloljetničkog nasilja, borbe protiv ovisnosti, zaštite životinja, zaštite potrošača, borbe protiv korupcije, promovisanja evropskih integracija kao i humanitarni i sličan rad „istakao je Nedim Hamzabegović šef ovog odjeljenja.

Sredstva će odabranim korisnicima po ovom Javnom pozivu biti isplaćena u najkraćem vremenskom roku.

U skladu sa zakonskom obavezom ovo odjeljenje je početkom godine objavilo kalendar javnih poziva gdje je bilo planirano da u 2022. godini budu objavljena dva javna poziva. Stoga je Hamzabegović izrazio očekivanja da bi do kraja godine mogao biti objavljen još jedan javni poziv ali nije mogao precizirati koliko sredstava bi bilo dostupno korisnicima.

Odjeljenje za javnu sigurnost pruža pomoć u potrazi za nestalom osobom u Općini Lopare



Odjeljenje za javnu sigurnost **Vlade Brčko distrikta** Bosne i Hercegovine će u srijedu, 29.6.2022. godine u 8.00 sati, na zahtjev općine Lopare, organizovati pomoć u potrazi za starijom nestalom osobom na teritoriji ove općine.

U potrazi će, iz **Brčko** distrikta **BiH**, učestvovati 10 pripadnika Odjeljenja zajedno sa 10 pripadnika brčanskih nevladinih organizacija, Gorske službe spašavanja **Brčko** te Norveške narodne pomoći, uz angažovanje 5 terenskih vozila, sanitetskog vozila i drona.

Odjeljenje za javnu sigurnost i volonteri će pružiti pomoć u saradnji sa Policijom Općine Lopare, lokalnim vlastima Lopara te Republičkom upravom civilne zaštite Republike Srpske.



BRATUNAC Autobuska stanica zjapi prazna

Umjesto autobusa i putnika, na peronima parking za vozila



Od nekada redovnih linija za Sarajevo, Tuzlu, Bijeljину, Banju Luku i druge bh. gradove, te Beograd, Novi Sad, Loznicu, Šabac i Bajinu Baštu, danas postoji samo ona za Tuzlu

Zbog nerentabilnog poslovanja mnoga preduzeća za prijevoz putnika oдавно su ukinula nekoliko autobuskih linija iz Srebrenice, preko Bratunca, u gradove širom BiH, a lokalne linije u ove dvije susjedne općine ne postoje.

Na deset pustih perona

na Autobuskoj stanici Bratunac nema ni autobusa ni putnika, a njihovo mjesto zauzimaju parkirani putnički automobili.

Pusti peroni

Na zidu praznih autobuskih šaltera stoji da je ukinuta linija za Istočno Sarajevo, a za Bijeljину au-

tobus polazi iz Zvornika svakog dana u 11.30 i 19.15 sati.

Od nekada redovnih autobuskih linija za Sarajevo, Tuzlu, Bijeljину, Brčko, Banju Luku i druge bh. gradove, te Beograd, Novi Sad, Loznicu, Šabac i Bajinu Baštu, danas je samo u funkciji linija Srebrenica – Bratunac – Tuzla, koju pokriva „Transservis“ iz Tuzle.

Putnik namjernik iz Srebrenice i Bratunca, ako želi na Pale, Sokolac ili u Sarajevo, prinuđen je da se preveze do Konjević-Polja i tamo čeka prijevoz do svojih destinacija, ali je problem u tome što mnogi autobusi ne stoje ni u Konjević-Polju. Ako trebaju putovati u Srbiju, moraju otići u Lju-

boviju, odakle autobusi polaze svakog dana u 13.30 i 16.30 sati. Ovo najviše pogađa studente iz Srebrenice i Bratunca koji studiraju u spomenutim gradovima BiH i Srbije.

Privatiziran objekt

Prije pet godina u Srebrenici je zatvorena Autobuska stanica, a ista sudbina čeka i onu u Bratuncu. Prošle godine Autobusku stanicu u Srebrenici zahvatio je požar pa su prilikom gašenja vatre polupana sva stakla na ovom objektu koji je dobrim dijelom devastiran. Nezvanično saznajemo da je ovaj objekt privatiziran, ali se ne zna u koje će svrhe biti obnovljen.

S. SMAJLOVIĆ

Nedostaje najava dolazaka i odlazaka

Autobuske stanice u gradovima služe za ispraćaj, doček, radost i žalost. Srebrenici i Bratuncu su ta potreba i ugođaj ukinuti i svima nedostaju.

Simo Milinković (84), čija je kuća pored same

Autobuske stanice u Srebrenici, za „Avaz“ kaže da mu nedostaju metež, galama i najave dolazaka i odlazaka autobusa, kao i časkanje s putnicima, ali se i čudi kako jedan grad može biti bez autobuske stanice.



Odjeljenje za javnu sigurnost pruža pomoć u potrazi za nestalom osobom u Općini Lopare



Odjeljenje za javnu sigurnost, Jedinica za civilnu zaštitu **Vlade Brčko distrikta** Bosne i Hercegovine će danas, 29. 6.2022. godine na zahtjev općine Lopare, organizovati pomoć u potrazi za starijom nestalom osobom na teritoriji ove općine.

U potrazi će, iz **Brčko** distrikta BiH, učestvovati 10 pripadnika Odjeljenja zajedno sa 10 pripadnika brčanskih nevladinih organizacija, Gorskog službe spašavanja **Brčko** te Norveške narodne pomoći, uz angažovanje 5 terenskih vozila, sanitetskog vozila i drona.

Odjeljenje za javnu sigurnost i volonteri će pružiti pomoć u saradnji sa Policijom Općine Lopare, lokalnim vlastima Lopara te Republičkom upravom civilne zaštite Republike Srpske.



Predsjedništvo HDZ-a BiH utvrđivalo kandidate za Opće izbore 2022.

EKSKLUZIVNO HRVATSTVO

Čović pozvao bošnjačke stranke da prestanu stavljati Hrvate na svoje županijske liste. HDZ pak zadržava pravo da stavlja Srbe, pa i Bošnjake

MOSTAR - U Mostaru je u utorak održana proširena sjednica Predsjedništva Hrvatske demokratske zajednice (HDZ) BiH, kojoj su, osim članova stranačkog Predsjedništva, nazočili i predsjednici županijskih i regionalnih odbora te organizacije HDZ-a BiH za Brčko Distrikt BiH. Na proširenoj je sjednici Predsjedništvo HDZ-a BiH uradilo postupak utvrđivanja kandidatskih listi HDZ-a BiH za Opće izbore 2022.

Prema riječima čelnika te stranke Dragana Čovića, dogovorene su liste za četiri županije, a preostale su još dvije. Ime kandidata za člana Predsjedništva BiH ispred HDZ-a BiH i koalicijskih partnera, pak, još nije poznato.

-Postoji puno mehanizama koje moramo ispuniti, od zastupljenosti muškaraca i žena, onda područja i dobne strukture. Željeli smo da najveći broj listi bude jedno osvježenje. Vjerujem da ćemo sutra do kraja dana to okončati i uspješno izaći u javnost, rekao je u utorak Čović koji je uvjeren da mogu odnijeti pobjedu u šest županija te da očekuju bolji izborni rezultat no prošli puta.

-Imamo pet kandidata za hrvatskog člana Predsjedništva BiH, od kojeg ćemo izabrati jednog. Vjerujem da ćemo imati izvršnog kandida-

ta kojeg će podržati sve hrvatske stranke. Prinudjeni smo izaći s jednim kandidatom, za razliku od ostalih koji izlaze s više njih, dodao je Čović, koji je govorio i o problemu Izbornog zakona i Doma naroda Parlamenta FBiH.

-Taj broj 6 je nesretan i donosi probleme. U sve svoje liste idemo s koalicijskim partnerima i nije HDZ BiH taj koji, kako kažu, sve kontrolira u Domu naroda FBiH, rekao je Čović te apelirao na bošnjačke stranke da prestanu stavljati Hrvate na svoje županijske liste jer to nije pametno.

Dakako, nije spomenuo činjenicu da je njegova stranka dosada stavljala Srbe na svoje liste, kao ni činjenicu da je HDZ na lokalnim izborima u Mostaru imao i osobu bošnjačke nacionalisti na listi. No, iz njegove perspektive to je nebitno.

Predvodnici tri konstitutivna naroda idućeg tjedna s Varhelyijem

Čelnik HDZ-a BiH je najavio i da će početkom idućeg tjedna u Bruxellesu razgovarati s povjerenikom EU-a za proširenje Oliverom Varhelyijem.

-Ovoga puta ne na način da se poziva sve parlamentarne stranke, već predvodnike tri konstitutivna naroda, koji bi trebali dati odgovor na neka pitanja kada su u pitanju primjena izbornih rezultata, proširenje, stjecanje statusa kandidata za članstvo u Uniji, odnosno politička

atmosfera, precizirao je Čović koji drži da je prošlo vrijeme nametanja stava jednom konstitutivnom narodu koji, po Ustavu, treba biti jednakopravan.

-Ako netko želi da imamo još jaču krizu od one koju imamo u zadnje četiri godine, volio bih znati što smo time dali, pa i njihovim građanima na koje se pozivaju, poručio je Čović koji je, govoreći o kandidatskom statusu BiH, naveo da je EU namjerno navela da će o tome raspraviti nakon Općih izbora jer želi vidjeti hoće biti zlouporabe izbornog procesa i primjene izbornih rezultata.

Kako je dodao, EU je ponovno naglasila potrebu za što hitnijom izmjenom Izbornog zakona BiH, a što je sve, prema njegovu mišljenju, poruka Bruxellesa političarima iz Sarajeva, koji moraju shvatiti da ne mogu raditi bez hrvatskog naroda.

U četvrtak o proračunu

Čović je dodao da će Nikola Špirić (SNSD, čovjek s crne liste SAD-a), koji je preuzeo predsjedanje Domom naroda Parlamenta BiH, za četvrtak sazvati hitnu sjednicu tog Doma na kojoj bi jedina točka dnevnog reda bio proračun za tekuću godinu.

-Naš zagovor je bio iznimno bitan, to su bile strukture uposlenika unutar institucija BiH, primarno misleći na policajce, uposlenike Uprave za neizravno oporezivanje, odnosno na sve službenike koji danas, osobito u vojnim formacijama, ne mogu doći u poziciju mijenjati svoju osnovnu plaću već zadnjih desetak godina, uz životni standard kakav jest, prenio je Čović koji je na kraju izrazio uvjerenje da će biti dovoljno pameti da se nađu rješenja za zaštitu najranjivijih.

J. S.

Čović je apelirao na bošnjačke stranke da prestanu stavljati Hrvate na svoje županijske liste jer to nije pametno. Dakako, nije spomenuo činjenicu da je njegova stranka dosada stavljala Srbe na svoje liste, kao ni činjenicu da je HDZ na lokalnim izborima u Mostaru imao i osobu bošnjačke nacionalisti na listi. No, iz njegove perspektive to je nebitno, jer se smatra ekskluzivnim tumačem hrvatstva





НА ПРАВОСЛАВНОМ ГРОБЉУ КОД СРЕБРЕНИКА

ДЕЦА ПОРУШИЛА СПОМЕНИКЕ?

У СЕЛУ Горња Маоча, код **Брчко** дистрикта, на православном гробљу оштећено је шест надгробних споменика, за шта су наводно крива деца која су се ту играла, како је изјавио И. К. након што је полиција дошла на увиђај. Током увиђаја, полицији се њратио И. К., рођен 1981, настањен у Горњој Маочи, који је изјавио да су надгробне споменике оштетили током игре деца из Горње Маоче и да ће он предузети неопходне радње на измирењу штете.

